


Cartas nordic



Un serie de photos de locaciones in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2022

■ **Stockholm, Svedia:** Globen, Le Globo, es un arena situate in Stockholm. Illo es le plus grande edificio spheric in le mundo. Le diametro es 110,40 metros e le altura 85,20 m. Illo esseva inaugurate in 1989. Hic on arrangia eventos sportive e concertos. A un match de hockey, le arena pote contener 13.850 spectatores. Durante concertos il ha spatio pro circa 16.000 personas. Le 7me de maio 2018 on habeva le plus grande publico, 17.300 personas, al concerto del grupo de hard rock Metallica. In 2010 on installava un route pro duo rotunde gondolas, que vade al summitate de Globen. De hic, on ha un meraviliose vista super Stockholm e su vicinitates. A causa del pandemia del coronavirus in 2020, tote le grande eventos esseva annullate. In vice, on installava 14 pistas pro padel, un sport que resimila tennis.

Texto e photo: Kenneth Platter

Questiones

1. Que es lo que face Le Globo extraordinari?

2. Qual typos de arrangiamientos pote on experientiar in Le Globo?

3. Le Globo non claudeva totalmente durante le pandemia del coronavirus. Que faceva on in vice?

4. Que installava on in 2010 pro crear ancora plus de possibilitates in Le Globo?

5. Quante personas pote esser in le publico a un arrangiamento in Le Globo – e qual es le numero le plus grande que on ha habite?
